



Domowina

Wólbny porjad Domowiny

Preambla

Tutón wólbny porjad Domowiny rjadyje wotběh wólbow a zwěšćenje wólbnych wuslědkow. Je zawjazowacy za wšitke wólby hłowneje zhromadźizny, předewšěm za wólby

- zwjazkowneho předsydstwa,
- předsydy Domowiny,
- městopředsydow Domowiny,
- rewizijneho wuběrka a
- změrcowskeho wuběrka

a za wšitke wólby zwjazkowneho předsydstwa, kaž na přikład za

- wólby mytowanskeho wuběrka,
- wólby serbskich zastupjerjow Sakskeje do Rady Załožby za serbski lud a
- za wólby, z kotrymiž Domowina zastupjerjow Serbow do Rady za serbske naležnosće Swobodneho stata Sakskeje nominuje.

§ 1 Wolomnosć

1. Do organow Domowiny smě so zasadnje kóždy jeje člon wolić dać. Kandidat trjeba podpěru znajmjeńša jedneje župy abo člonskeho towarstwa. Kandidaća maja znajomosće a kmanosće měć, kotrež su za wukonjenje nadawka trěbne.
2. Přistajeni Domowiny so do organow Domowiny wolić dać njemóža.
3. Za kóždy dalši gremij, do kotrehož smě Zwjazkowe předsydstwo Domowiny zastupjerjow Serbow wolić, so wuměńjenja nastupajo wolomnosć hižo do wólbow we wosebitej zjawnej namołwje wozjewja.
4. Kandidaća dyrbja pisomnje wobkrućić, zo njepřislušeja stronje abo cyłkej a zo ju/jón ani njepodpěruja, kiž so w zaměrach abo skutkowanju měri přećiwo swobodno-demokratiskemu zakładnemu porjady, zakładnym a čłowječim prawam abo přećiwo zrozumjenju mjez ludami. Pisomnje wobkrućić maja tež, zo wědža: Hdyž so po tym nimaja, dyrbja z wotwolenjom ze swojeje funkcije w Domowinje ličić.

§ 2 Wólbny wuběrk

1. Za čas, dołhož wólby traja, wuzwoli wólbna zhromadźizna wólbny wuběrk. Wón ma znajmjeńša třoch člonow. Čłonojo wólbneho wuběrka njesmědža za tute wólby kandidować.
2. Čłonojo wólbneho wuběrka postaja nawodu wólbow.
3. Wólbny wuběrk ma nadawk, wólby po předpisach přihotować a přewjesć kaž tež wuslědk wólbow zwěsćić. K tomu tež sluša, zo zwěsći ličbu hłosakmanych člonow a zo pruwuje, hač su kandidaća wolomni.
4. Wólbokmani čłonojo wólbneho wuběrka maja prawo, so na diskusiji wobdźeleć, namjety za wólby zapodać a so na hłosowanju wobdźelić.

§ 3 Možnosće hłosowanja

1. Wólby so w tajnym hłosowanju wotměwaja. Wuwzaćnje móža so tež wotměć ze zběhnjenjom ruki, je-li wólbna zhromadźizna tomu jednohłósnje přihłosowała.
2. Wólby móža so tež digitalnje přewjesć. Wolerjo, kotřiž digitalnje wothłosuja, dóstanu možnosć, tajnje digitalnje wothłosować. Wuslědk digitalneho wothłosowanja jeničce wólbny wuběrk widži. Při hybridnych zarjadowanjach nawoda wólbow jenož cyłkowny wuslědk wólbow wozjewi. Dźělenje do hłosow, kotrež buchu na zarjadowanju wotodate, a do hłosow, kiž buchu digitalnje wotodate, njeje dowolene.

§ 4 Zahajenje wólbow

1. Nawoda wólbow zahaji wólby z předstajenjom kandidatow. Wólbna zhromadźizna móže dalšich kandidatow namjetować. Kandidaća móža so wosobinsce předstajić.
2. Nawoda wólbow so namjetowaneho kandidata praša, hač je z kandidaturu přezjedny, zwěsći jeho wolomnosć a hač kandidaturu přiwozmjje abo hač ju wotpokaza. Njepřitomni kandidaća dyrbja tole wšo do wólbneje zhromadźizny pisomnje zdělić.
3. Nawoda wólbow nastajenje lisćiny kandidatow zakónči a zwěsći ličbu hłosakmanych člonow. Potom namołwja wolerjow, zo bychu hłosowali.

§ 5 Hłosowanje

1. Zasadnje maja so za kóžde zastojnstwo separatne wólby po tutym wólbny m porjedže přewjesć. Kóždy hłosakmany ma jedyn hłos.
2. Maja-li so wjacore městna wěsteho gremija wobsadzić (na př. zwjazkowe předsydstwo), ma hłosakmany člon telko hłosow, kelkož městnow gremij ma. Njetrjeba pak wšitke swoje hłosy rozdźělić.
3. Je-li wjacorych wolomnych kandidatow, rozdźěla so hłosowanske lisćiki z mjenami wšitkich kandidatow za tutón přechod wólbow. Woler hłosuje z křižikom do kašćika před mjenom wosoby. Hdyž so hłosa wzda, woteda hłosowanski lisćik bjez křižikow.
4. Je-li za zastojnstwo jenož jednoho kandidata, hłosuje woler na slědowace wašnje: Nakřižikuje jedyn z kašćikow před mjenom kandidata na hłosowanskim lisćiku, kotrež su woznamjenjene z „haj“, „ně“ abo „wzdam so hłosa“.
5. Hłosowanske lisćiki, na kotrychž woler něšto připisa abo hdyž wjace kašćikow nakřižikuje, hač ma hłosow, su njeplaćiwe.
6. Ma-li so ze zběhnjenjom ruki wolić, namołwja nawoda wólbow tež k zběhnjenju ruki za hłosawzdaće. To rěka, zo so wšitke tři možnosće wotprašeja.

§ 6 Procedere wólbow

1. Woleny je kandidat, kotryž je wjace hač połojcu wotodatych plaćiwych hłosow dóstał.
2. Při samsnej ličbje hłosow maja so wólby we wušim kole wotměć. Je-li ličba hłosow potom znova samsna, rozsudži lós.
3. Jeli njedócpěje žadyn kandidat wjetšinu hłosow přitomnych hłosakmanych, so wólby ze samsnymi kandidaty wospjetuja, a je-li trjeba, dalši raz. Njebu-li žadyn z kandidatow ani w třecim přechodze woleny, dyrbja so nowe wólby zwolać.
4. Po wuličenju hłosow nawoda wólbow wuslědk hłosowanja wozjewi. Woleny kandidat dyrbi wólby přiwzać.
5. Nawoda wólbow wozjewi wospjetowanje wěstych wólbow, hdyž
 - kandidat wólby njepriwozmjje abo
 - bě-li při hłosowanju bystostny brach, předewšěm, hdyž bu přewjele hłosow wotodatych a wuslědk wólbow přez to ewentualnje wowliwowany resp. hdyž so hłosy njehodža přirjadować.
6. Jeli za wěste zastojnstwo nihtó njekandiduje, nawoda wólbow wotpowědny přechod wólbow přestorči a w samsnym posedženju znova k tomu namołwja, kandidatow

pomjenować abo zo njech so kandidaća přizjewja. Jeli so znova nchtó njenamaka, so tutón přechod wólbów přestorči.

§ 7 Zakónčenje wólbów

1. Hdyž su wšitke za posedženje předwidžane přechody wólbów skónčene, nawoda wólbów wozjewi, štó je za čo woleny a zwěsći, hač bu někajki přechod wólbów přestorčeny. Z tym su wólby zakónčene.
2. Wólby maja so protokolować. Protokol wo wólbach móže być džěl protokola wo posedženju.
3. Protokol wo wólbach ma wobsahować:
 - a. městno a čas zarjadowanja,
 - b. ličbu wólbokmanych,
 - c. zapodate próstwy,
 - d. wašnje wothłosowanja (ze zběhnjenjom ruki, procedere wólbów),
 - e. wuslědk wothłosowanja (hłosy za „haj“, hłosy za „ně“, wzdaće so hłosa, njeplaćiwe hłosy),
 - f. personalije wolenych wosobow a jich wozjewjenje, zo wólby přiwozmu,
 - g. wobkrućenje, zo bu wólbna zhromadźizna po wustawkach zwołana,
 - h. wobkrućenje, zo su so wólby wotměli po wustawkach a
 - i. podpis protokolanta a nawody wólbów.

§ 8 Plaćiwość wólbów

1. Doba skutkowanja započina so za čłona organa z wozjewjenjom, zo zastojnstwo přiwozmje. Doba skutkowanja dalšich gremijow so wotwisnje wot postajenjow za konkretny gremij započina.
2. Njebu-li wěsty přechod wólbów zakónčeny abo njeje-li hišće plaćiwy zakónčeny abo hdyž so wěsty wólbny přechod pozdžišo jako njeplaćiwý wopokaza, to dalše wólbne přechody njetangěruje.
3. Kóždy člon towarstwa smě plaćiwość wólbów abo wěsteho přechoda wólbów wotprěwać, ma-li pokiwy na to, zo so přećiwo plaćacemu prawu, přećiwo wustawkam towarstwa abo přećiwo tutomu wólbnemu porjadej přeńdu. Wotprěwanje móže wozjewić za čas wólbneje zhromadźizny abo po tym z pomocu zapisaneho lista na adresu nawody wólbów abo towarstwa. List ma wobsahować přičinu wotprěwanja a ma dóńć w běhu jednoho měsaca ličene wot dnja wozjewjenja protokola wo wólbach. Pozdžiše wotprěwanje njeplaći. Na postajenu dobu za zapodaće wotprěwanja njetrjeba so skedźbnić. Nawoda wólbów wo wotprěwanju rozsudzi, při wěšćem móže kóždy z naležnosću na sudnistwo abo na změrcowske sudnistwo hić.
4. Wólby abo wěsty přechod wólbów su njeplaćiwe:
 - a. jeli buchu po postajenjach zakonja abo wustawkow njewolomne wosoby wolene
 - b. jeli so něchtó z pomjenowanych kandidatow na hłosowanskim lisćiku njejewi
 - c. buchu-li při wotedaću a wuličenju hłosow njeprawidłownosće zwěšćene, z kotrymiž je něchtó wuslědk wólbów z wotpohladom wowliwował
 - d. je-li nawoda wólbów město woleneho kandidata druhu wosobu jako do funkcije wolenu mjenował.
 - e. Hewak móža so wólby jenož potom jako njeplaćiwe deklarować, bu-li wuslědk wólbów přez jedyn z tutech njedostatkow z wěstej prawdžepodobnosću wowliwowany.
5. Za wuslědk wólbów njebytosne abo po wólbach skorigujomne zmylki we wotběhu wólbów njeplaćiwość wólbów abo wěsteho wólbneho přechoda njewuskutkuja.
6. Do wěsteje funkcije woleny člon wostanje w zastojnstwje, doniž wotprěwanje njeje dorozrisane. Dóńdže-li k tomu, zo su wólby abo wěsty přechod wólbów njeplaćiwe, dyrbi je přichodna wólbna zhromadźizna wospjetować.

7. Prawo, přećiwo wólbam na sudnistwo hić, přeeco wobsteji.

§ 9 Płaćiwosć wólbneho porjada

Wólbny porjad płaci wot 05.04.2025.